

2025-mi ernereermermi ullormusianik pisartut

2025-mi 471-it ernereermermi ullormusianik pisartagaqarsimapput. Ukiumut siulianut naleqqiullugit 92-inik ikinnerupput.

2021-p qeqqa aallarnerfigalugu pisoqartaqarfiit avataanni sulisitsisut erninermusialinnut aningaasaateqarfimmit Amaat-nit sulisut ernereermermi sulinngiffeqartut akissarsiaannut tamakkiisumik ilaannakortumilluunniit tapiissutinik pisalerput. Piffissami pineqartumi ernereermermi ullormusianik pisartagallit amerlassusiisa ikilinerini ernereermermi sulinngiffeqartunut aningaasaateqarfimmit tunniunneqartartut annertunerulerput. Ernereermermi sulinngiffeqartunut aningaasaateqarfik pillugu Naatsorsueqqissaartarfik immikkut saqqummersitsisarpoq.

Takussutissiaq 1. Ernereermermi ullormusianik pisartut aamma aningaasat tunniunneqartut annertussusaat

	2023		2024		2025	
	Amerlas-susaat	Aningaasat (1.000 DKK)	Amerlas-susaat	Aningaasat (1.000 DKK)	Amerlas-susaat	Aningaasat (1.000 DKK)
Katillugit	719	31.775	563	26.702	471	20.664
Kommune Kujalleq	84	3.406	82	4.067	90	4.213
Kommuneqarfik Sermersooq	228	10.182	179	8.165	131	5.749
Qeqqata Kommuniarfik	120	5.397	113	6.188	88	4.493
Kommune Qeqertalik	104	4.977	56	2.256	40	1.539
Avannaata Kommuniarfik	183	7.812	133	6.026	122	4.670

Najoqqutaq: Naatsorsueqqissaartarfik <https://bank.stat.gl/SONB006>

Ernereermermi ullormusianik pisartagallit amerlanertigut arnaasarput. Tassani peqqutaataavaq arnat ernereermermi sulinngiffeqartarnerat angajoqqaatut sulinngiffeqarsinnaaneq ilanngukkaanni sivisunerugajummat, taamaattumillu ukiuni kisitsiviusunik marlunnik sivisussuseqarsinnaalluni kisitsisitigullu paasissutissani ukiuni tulleriinni marlunni kisitsiviusuni aamma ilanngunneqarlutik.

Takussutissiaq 2. Ernereermermi ullormusianik pisartut suaassutsit malillugit

	2023	2024	2025
Katillugit	719	563	471
Angutit	94	67	51
Arnat	625	496	420

Najoqqutaq: Naatsorsueqqissaartarfik <https://bank.stat.gl/SONB007>

Kisitsisaataasivimmi immikkoortiterinerit soorlu najukkamut tunngasut, ukiut, suaassutsit, ukioq kisitsivik kiisalu naatsorsuutit suussusai (pisartagallit amerlassusaat imaluunniit aningaasat amerlassusaat) nammineq tapitartuullugit nalunaarsuutinik aallertoqarsinnaavoq.

2025-mi ernereermermi ullormusianik pisartagallit

Inatsit tunngaviusoq

Ernereermermi sulinngiffeqarnermut inatsit tunngaviusoq naatsumik ataani nassuiarneqarpoq.

Sukumiinerusumik paasissutissanut Naartunermeri, erninermeri meeravissartaarnermilu sulinngiffeqartarneq pillugu Inatsisartut inatsisaat nr. 5 19. novembari 2020-meersoq atuarneqarsinnaavoq.

Ernereermermi ullormusiat il.il.

Ernereermermi ullormusiaqartitsineq pisarpoq ernisimalluni sulinngiffeqarnermi isertitaqarunnaarsimagaanni.

Ullormusiaqarsinnaatitaaneq akissarsiaqarlutik sulisunut, namminersortunut taakkulu aapparisaannut pilersueqataasunut soorlu aalisartunut, piniartunut savaatilinnullu aammalu ilinniagaqarsimallutik naammasserlaanut ilinniarnissamullu ilinniarnissamullu aalajangersimasunut qinnuteqarsimasunut atuuppoq. Ullormusiat annertussusaat ilinniagaqarsimanngitsunut akunnermut aki ilanngaataqanngitsoq malillugu annerpaamillu sapaatip akunneranut akunnernut 40-nut annertussusilinnut naleqqussagaavoq.

Ernereermermi ullormusianut atuutsinneqartut tassaapput:

- Naartusoq erninissamut naatsorsuutigisamit sapaatip akunneri sisamat sioqqullugit sulinngiffeqarsinnaatitaavoq.
- Meerartaarnermi anaanaasoq ernereermerup kingorna sapaatip akunnerini 15-ini sulinngiffeqarsinnaatitaavoq kiisalu marlulissanik meerartaarnermi imaluunniit amerlanerusunik meerartaarnermi ernereermerup kingorna sapaatip akunnerini 19-ini sulinngiffeqarsinnaatitaalluni.
- Ataataasoq meeqqap/meeqqat inunngoreermeranniit sapaatip akunneri pingasut sulinngiffeqarsinnaatitaavoq.
- Angajoqqaat, tassa imaappoq nammineq toqqakkamik angajoqqaajusoq, meerartaarnermi ernereermerup kingorna aamma sapaatip akunneri 21-t sulinngiffeqarsinnaatitaavoq kiisalu marlulissanik arlalinnilluunniit meerartaarnermi ernereermerup kingorna aamma sapaatip akunneri 25-t sulinngiffeqarsinnaatitaalluni (angajoqqaat sulinngiffeqarsinnaanerannut inatsit malillugu).

Taamatuttaaq qitornavissartaarnermi aamma meeqqamik ulloq unnuarlu paarsinermeri meerartaarnermut atatillugu sulinngiffeqarnermi ullormusiaqartitsisoqartarpoq.

Sulinngiffeqarnermi piffissap sivissusaa 2009-mili arlaleriarluni allanngorsimavoq, tassaallunili kisitsisaataasivimmi tabelit ukioq aallartiffiat.

2021-p qeqqani ernereermermi aningaasaateqarfik pillugu malittarisassat nutaat atuutsinneqalerput. Tamanna ilutigalugu suliffeqarfinni namminersortuni sulisut ernereermermi sulinngiffeqartarnerat inatsit malillugu aningaasaateqarfimmit aningaasalorsorneqalerput ernereermermi ullormusianit ingerlanneqarunnaarlutik.

Nalunaarsuutit tunngaviusut aamma suliarineri

Pisortat akissarsialeriviannit nalunaarsuutit kiisalu Naatsorsueqqissaartarfiup innuttaasunut nalunaarsuiffianit nalunaarsuutit tunngavigalugit kisitsisitigut paasissutissiorpoq.

Periaaseq

Kisitsisini paasissutissani matumani pineqartut tassaapput Naatsorsueqqissaartarfiup inunnik nalunaarsuiffiani inuit ukiup naanerani Kalaallit Nunaanni kommunini najugaqartutut allattorsimasut. Inuit nalunaarsuiffianni sumiiffimmi najugaqartutut nalunaarsorsimasoq tassani najugaqartutut naatsorsuussaavoq, inuillu allattorsimaffianni sumiiffimmi najugaqartutut naatsorsorneqarsimaneq kommunit naatsorsuuserisarfianni allami najugaqartutut allaqqasinnaalluni.

Taamatuttaaq aningaasat tunniunneqartut annertussusaat malillugit misissukkanik killiliisoqarpoq. Naatsorsuineri ukioq naallugu 1.000 kr.-nik annikinnerusunik tunineqarsimasut naatsorsuineri ilanngunneqanngillat. Tassani iluarsiissutitut tunniunneqartut il.il. naatsorsuutini ilanngunneqannginnissaat qulakkeerneqarpoq. Ukiumi kisitsiviusumi aningaasat ukiuni siuliini naatsorsuutitut tunngasut ilanngunneqanngillat.

Ernereermermi sulinngiffeqarnermi ullormusiat il.il.

Ernereermermi sulinngiffeqarluni ullormusianik naatsorsuineri ukiumi pineqartumi ullormusianit pisartagalit tamakkerlugit kisinneqarput. Ernereermermi sulinngiffeqarnermi avinneqarsimasuni ukiuni marlunni assigiinngitsuni kisitsiviusuni aningaasanik tunniussisoqarsimasinnaavoq. Taamatullu ullormusianik pisartagalik sulinngiffeqarnerit ingerlanerini meerartaarnerni assigiinngitsuni marlunni ukiumi kisitsiviusumi ataatsimi pisartagaqarsimasinnaalluni.

Ukiut

Ukiumi pineqartumi decembarip naaneri ukiut malillugit naatsorsorneqarput.

Kommunit aamma najugaqarfiit

Saqqummersitami matumani kommunit avinneqarneri nutaat malinneqarput, kommuniusimasulli kommunini nutaani najugaqarfittut atorneqarlutik. Saqqummersitami matumani "kommunit" immikkoortiterineri kommunit massakkut atuuttut pineqarput, "najugaqarfillu" tassaallutik 2009 sioqqullugu kommuniusimasut. Immikkoortiterinerit marluk qanoq ataqtiginneri ataani takussutissami qanoq suliarineqarneri takuneqarsinnaapput.

Tabel 1. Kommunit aamma najugaqarfiit

Kommuni	Kujalleq	Sermersooq	Qeqqata	Qeqertalik	Avannaata	
Najugaqarfik	Nanortalik	Ivittuut	Maniitsoq	Kangaatsiaq	Ilulissat	
	Qaqortoq	Paamiut	Sisimiut	Aasiaat	Uummannaq	
	Narsaq	Nuuk			Qasigiannuit	Upernavik
		Tasiilaq			Qeqertarsuaq	Qaanaaq
		Ittoqqortoormiit				

Signatur forklaring:

...Oplysninger foreligger ikke

.. Oplysninger for usikretil at angives eller diskretionshensyn

. Tal kan efter sagens natur ikke forekomme

0 Mindre end halvdelen af den anvendte enhed

- Nul

* Foreløbigt eller anslået tal

Saaffiginniffissaq

Anders Blaabjerg

E-mail: abla@stat.gl

Isumaginninnermut tunngasut

Grønlands Statistik

Postboks 1025 · 3900 Nuuk

Tlf.: +299 34 57 70

www.stat.gl · e-mail: stat@stat.gl

